

„ prudentissimis , qui patrōni quidem sunt causarum „ apud maximam Sedem Præfecturæ , quæ Orientalibus „ Prætoriis præsidet ... Et quum omnes in unum con- „ venerunt gubernatione Triboniani viri excelsi , ut tan- „ tum opus nobis auctoribus possent confidere , Deo pro- „ pitio , in prædictos Quinquaginta Libros opus con- „ summatum est . Definit in hoc verba . Omnes ita- „ que Judices nostri pro sua jurisdicione easdem Leges „ fuscipient , & tam in suis judiciis , quam in hac Re- „ gia urbe habeant & proponant , & præcipue vir ex- „ celsus hujus Almae Urbis præfектus . Cura autem erit „ tribus excelsis Præfectis Prætoriis tam Orientalibus , „ quam Illyricis , necnon Libycis , per suas auctoritates „ omnibus qui sua jurisdictioni suppositi sunt , eas mani- „ festare . Data septimo decimo Kalendas Januarias , „ Justiniano Domino nostro ter Consule .

Porro hi Pandectarum sive Digestorum Quinquaginta Libri solent distingui in *Digestum vetus* , quod a Libro I. pertingit usque ad titulum 2. Libri XXIV *Infor-
matum* , quod a titulo 3. Libri XXIV. ad Librum XXX-
VIII. *Novum* denique Digestum a Lib. XXXIX. ad Quin-
quaginta . Græci vero Pandectas in Septem Partes di-
viserunt ; ita ut *Prima* sit a Libro I. ad IV. *Secunda* ,
a V. ad XIX. *Tertia* a XX. ad μέτρον τοῦ πατερός , scilicet ,
ad umbilicum Pandectarum , hoc est , ad Librum XXV.
Quarta a XXVI. ad XXVII. *Quinta* a XXVIII. ad XXX-
VI. *Sexta* a XXXVII. ad XLIV. *Septima* a XLV. ad L.
& Græce quidem Libros Pandectarum , Justiniani ipsius
tempore e Latino redditos , non modo planum fit ex re-
citatis editi Justiniane verbis , quibus Imperator jubet
Præfectum Prætorio Orientali per suam auctoritatem
omnibus qui sua jurisdictioni suppositi sunt , eos Libros
manifestare : nam totus fere Oriens , paucis exceptis ,
Græca tunc temporis lingua utebatur , Latinam ignoraba-
bat : sed etiam compertum exploratumque facit tum *Græ-
ca Præfatio* , quæ adhuc servatur , quæque Digestis La-
tinis in editione Florentina Taurellii 1553. atque inde
in Geneven. 1587. Parisien. 1628. & Amstelodam . 1663.
cum